

Utoqqalinersiutillit inuussutissarsinnaajunnaarnersiutillillu 1991- imut akileraarutitigut ilanngaattissaasa angissusilerneqarnissaannut piffissaq killissarititaq pillugu Inatsisartut inatsisaat

§ 1. Qaammatsiutit malillugit ukiumut 1991-imut utoqqalinersiutillit

inuussutissarsinnaajunnaarnersiutillillu ilanngaattissaasa angissusilerneqarnissaannut piffissaq killissarititaq allanngortinneqassaaq, aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, kingullermik allanngortinneqartumi Inatsisartut inatsisaatigut nr. 10, 17. oktober 1988-imeersukkut, §§-it 16B, imm. 4 aamma 16C, imm. 4 naapertorlugit, qaammatsiutit malillugit ukioq atuutilerfissaat sioqqullugu ukiup affaani siullermiit qaammatsiutit malillugit ukioq atuutilerfissaat sioqqullugu ukiup affaani kingullermut.

§ 2. Inatsisartut inatsisaat ingerlaannaq atuutilerpoq.

Namminersornerullutik Oqartussat, ulloq 15. maj 1990.

Jonathan Motzfeldt

/

Emil Abelsen

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut